

遼寧府縣志輯

中國第一歷史檔案館

民國海城縣志（二）

遼寧府縣志輯 ⑧

海城縣志卷三

人物志

人羣之進化隨一代文治之潮流爲轉移故漢上游女鬼置武夫往古化洽周南譜爲歌咏而周召分司儻然壽考讀書想見其人海邑清初定鼎聲明文物近接陪都教化所被者早三百年來通德之門履道之里巍科顯仕節義文章往往而在兩間扶輿之氣磅礴鬱積必有所鍾而亦曩昔之功德浸淫漸漬如是之遠也且誰操風流未沫夫於是

有山榛陽苓之慕矣因以志人物

人物

名宦

周

箕子 名胥餘殷人紂之諸父官太師紂亡武王訪以天道乃陳洪範遂封於朝鮮至則教其民以禮義田蠶織作爲

民設八條相殺者以當時償殺相傷者以穀償相盜者男沒入其家爲奴女子爲婢欲自贖者入五十萬雖免爲民俗羞之嫁娶無所售是以其俗無盜門戶不閉婦人貞信飲食以蓬豆其國化之基在平壤城

前 漢

甘延壽 字君况北地郁郅人少以良家子善騎射爲羽林拔距絕於等倫嘗超臨羽林亭樓由是遷爲郎累遷

至遼東太守有治行免官車騎將軍許嘉薦延壽爲郎中諫大夫後爲西域都護與副校尉陳湯共誅到支單于封義成侯

范明友 宣帝時人拜度遼將軍嘗將二萬騎出遼東擊烏桓破之斬首六千餘級遼東西之民賴以安輯以功封平陵侯

後漢

祭彤 潁川潁陽人早孤以至孝稱光武以從兄遵故拜爲黃門侍郎及匈奴鮮卑與赤山烏桓連和數入塞朝廷以彤爲能拜遼東太守鮮卑萬餘騎寇遼東彤率數千人迎擊之自披甲陷陣虜大奔遂窮追出塞虜急皆棄兵裸身散去斬首三千餘級自是鮮卑不敢復闖塞其大都護遣使奉獻彤慰納賞賜稍復親附其異種絡繹款塞偏何邑落諸豪並歸願自效彤曰審欲立功當歸擊匈奴斬送頭前乃信耳偏何即擊斬匈奴持頭詣郡其後歲歲相攻輒送首級受賞賜自是匈奴衰弱邊無寇警鮮卑烏桓併入朝貢彤爲人質厚重毅撫夷狄以恩信皆畏而愛之故能得其死力永平元年偏何擊破赤山斬其渠帥持首詣彤塞外震警彤之威聲暢於北方西自武威東盡玄菟及樂浪皆來內附野無風塵乃悉罷緣邊屯兵彤在遼東幾三十年衣無兼副顯宗旣嘉其功又美彤請約徵爲太僕拜日賜錢百萬馬三匹衣被刀劍等以爲可屬以重任卒後烏桓鮮卑思彤無已每朝賀京師常過家拜謁仰天號泣乃去遼東吏人爲立祠奉祀焉

耿愛 字定公扶風茂陵人少有氣節以功封栗邑侯遷遼東太守有治績和帝元興元年貊人寇郡界愛追斬其渠

帥南單于叛變率鮮卑及諸部兵追至屬國故城迎擊破之安帝逮光中拜度遼將軍

蔡諷 安帝時人始拜遼東太守元初五年高句諷王宮與獾貉寇玄菟攻華麗城諷與元菟太守姚光擊破之夏高句麗復與鮮卑入寇攻遼東諷追擊於新昌戰歿功曹耿耗兵曹掾龍瑞兵馬掾公孫輔以身扞諷俱歿於陣

陳禪 字紀山巴郡安漢人仕郡功曹舉善黜惡爲郡內所畏鄧鸞聞其名而辟焉以禪爲漢中太守夷賊降服會北匈奴入遼東拜遼東太守胡憚其威彊退還數百里禪不加兵但使吏卒往曉慰之單于隨使還郡禪惟說道義以感化之單于懷服遺以胡甲珍貨而去及鄧鸞誅廢禪以故吏免復爲車騎將軍閭顯長史順帝即位遷司隸校尉明年卒於官

龐參 字仲達河南緱氏人舉孝廉拜左校令樊準以爲驚鳥巢百不如一鶚薦參高才武略有魏尙之風拜謁者元初二年爲遼東太守永建初遷度遼將軍在遼四年匈奴降服入爲大鴻臚尙書僕射虞詡薦參有宰相器能順帝時以爲太尉錄尙書事永和元年以久病罷卒於家

馮緄 字鴻卿巴郡宕渠人少學春秋司馬兵法順帝末鮮卑寇邊以緄爲遼東太守曉諭降集虜皆弭散拜京兆尹轉司隸校尉

种暉 字景伯河南洛陽人爲遼東太守時烏桓叛暉至望風率服迎拜於界上匈奴寇并涼二州桓帝擢暉爲度遼將軍暉到營先宣恩信諭諸胡其有不服然後加討羌虜由是悉遣還質於郡縣者暉誠心懷撫乃去烽燧除埃望邊方晏然無警入爲大司農

度尙 字博平山陽湖陸人桓帝時爲遼東太守數月鮮卑率兵來攻尙與戰破之邊人憚威遠近綏寧延熹九年卒於官

公孫域 桓帝時爲元菟太守永康元年扶餘王夫台將二萬餘人寇元菟域擊破之熹平三年扶餘遂奉慕貢獻
耿臨 靈帝建寧元年遼西邱力居遼東蘇僕延右北平烏延皆恃衆爲亂僭號稱王臨爲元菟太守討降之先是高

句麗王宮數寇遼東宮死子伯固立犯遼東西建寧二年爲臨所敗伯固降服遼東西乃寧

公孫度 遼東襄人平父延避吏居玄菟初爲玄菟吏後舉有道累官遼東太守東伐高句麗西擊烏桓南越海取

東萊諸縣威行海外自立爲遼東侯平州牧曹操表度爲永康鄉侯度曰我王遼東何永康也藏印綬府庫

三國魏

母邱儉 字仲恭河東聞喜人青龍中加度遼將軍使持節護烏桓校尉率幽州軍至襄平屯遼隊遼西烏桓護留等
隨袁尙奔遼東者並相率降從討公孫淵定遼東以功封安邑侯正始中高句麗數叛儉督步騎萬人出元菟境與
句麗王宮大戰沸流水破之遂登九都破滅其城宮携妻子遼窰初句麗沛者名得來數諫宮不從歎曰立見此地
將生蓬蒿遂不食死舉國賢之儉令諸軍不壞其墓不伐其樹並釋其妻子令贍養得所遼人悅服正始七年復討

高麗及滅貊破之韓那奚等數十國皆降

張邈 字叔遼鉅鹿人官遼東太守著自然好學論在稽康集爲人弘深有遠識恢恢然使求之者莫能測也
王頎 字孔碩東萊人官玄菟太守正始中母邱儉復征高麗其王宮遂奔買溝時儉遣頎追宮過沃沮千有餘里至

肅慎氏南界刻石紀功刊丸都山銘不耐城穿山灌溉民賴其利

晉

慕容廆 字奕洛瓊先世居遼秦漢之際分保鮮卑山三國魏初曾祖莫護跋率諸部入居遼西從伐公孫淵有功拜率義王乃以慕容爲姓父涉歸以全柳城功拜單于遼邑於遼東北生廆雄傑有大度張華一見許爲命世之器愍帝建興中拜廆昌黎遼東二國公時中原多故邊圉沈淪廆在遼東教民農桑修明刑政舉賢任能招撫流亡士庶歸之敗高句驪之衆立遼東郡元帝太興中進封郡公廆嘗言獄不可不慎賢不可不敬稼穡不可不急酒色便佞不可不戒著家令數千言卒贈車騎將軍開府儀同三司諡曰襄

慕容翰 字元昌昌黎韓城人廆之庶長子永嘉時遼東太守臧本以私憾殺東夷校尉李臻遼東鮮卑素喜連木丸津等因欲爲亂翰言於廆曰宜合義兵問連津之罪興復遼東併吞二郡遂率騎兵破之立遼東郡而歸於晉尋鎮遼東高麗不敢爲寇善撫恤愛儒學自士大夫以至卒伍莫不樂從

高詡 遼東人善天文有權略永嘉之亂避地隱居建武間慕容廆收攬豪傑詡杖策見之曰霸王之資非義不濟今晉室雖微人心猶附宜遣使江東示有所尊廆即遣長史王濟浮海詣建康勸進後廆承制以詡爲郎中令及毓嗣進詡元菟太守毓謀伐宇文逸豆歸詡曰必克但不利於將及進戰克之詡中流矢卒

裴嶷 字文翼河東聞喜人清方有幹略累官滎陽太守以兄武守元菟求爲昌黎太守武卒嶷被徵道梗不得達乃與武子開投廆廆以嶷爲長史用其策遂破悉獨官嶷嘗獻捷於晉帝試留之以觀其意嶷辭曰慕容將軍越在海

表乃心王室故遣臣萬里歸誠今若留臣必謂國家遣其僻陋孤其丹是以微臣區區貪還反命耳帝乃遣還虜嘗謂辟僚曰裴長史名重中朝而屈於此殆天所以授我也後出爲遼相轉樂浪太守

前後燕

劉佩 河間人爲元菟太守咸康四年趙石虎攻慕容皝欲奔慕容根諫而止劉佩曰今強寇在外衆心洶懼臣請出擊之縱無大捷足以安衆乃將敢死數百騎出衝趙軍所向披靡於是士氣百倍慕容根等遂敗趙兵境內以安慕容皝 廐之裔孫初高句驪寇遼東司馬郝景率衆救之爲所敗遼東元菟遂沒農進伐高句驪克之復遼東元菟二郡及慕容垂立國封農爲遼西王在龍城五年庶政修舉後召還以慕容隆代之隆因農舊規修而廣之遼碣遂安

隋

來護兒 字崇善江都人以平壤道行軍總管樓船指滄海入自涓水去平壤六十里與高麗遇進擊大破之追奔至城下毀其郭會宇文述兵敗乃旋大業十年又帥師渡海至卑奢城高麗舉國迎戰護兒擊破之高元震懼執叛臣斛斯政詣遼東城下請降帝許之遂旋師

麥鐵杖 始興人煬帝大業八年征高麗爲將時賊阻遼水拒守鐵杖將度遼謂其二子曰吾荷國厚恩今乃吾報命之秋惟誠與孝汝其勉之時造浮橋於遼水西岸旣成引橋超東岸橋短去岸丈餘賊大至鐵杖躍登岸與錢士雄孟金義等皆力戰死詔贈鐵杖宿公諡武烈

唐

李道宗 字承範太祖曾孫貞觀中高麗莫支離阻兵不服太宗征之以道宗爲遼東道副大總管道宗請將百騎先覘形勢帝問往返幾日對曰往返兼旬周覽十日遂秣馬東兵傍南山直入遼東城南相險易度營陣便處將還高麗兵斷其後更走問道如期謁見詔與李勣爲前鋒拔蓋牟城會救至道宗等所將纔四千虜十倍軍中議保險以須道宗曰吾屬爲前軍當清道迎乘輿尙何待遂選壯騎數十突進賊營左右出入勣令擊大破之

李勣 字懋功離狐人貞觀十六年以勣爲遼東道行軍大總管率十六道兵以伐高麗十九年勣趨遼東自通定濟遼水拔蓋牟遼東白岩等城從戰駐蹕山功最多二十一年復與牛進達伐高麗勣南蘇木底進達克石城乾封初仍充遼東道行臺大總管擊高麗下十七城總章元年拔扶餘蘇木底蒼岩城進圍平壤執高藏男建等分其地州縣之遼史海州南海軍本沃沮地高麗沙卑城李世勣嘗攻焉

張亮 鄭州滎陽人累官刑部尙書太宗將伐高麗亮頻諫不納因自請行詔爲平壤道行道大總管引兵自東萊浮海襲破沙卑城俘獲甚衆

張儉 字師約新豐人高祖起兵儉以功累遷營州都督高麗入寇儉率兵破之太宗征遼東儉率蕃兵先進拜行軍總管使爲前鋒自新城路邀擊進渡遼水至建安城破斬千級封睢城郡公

薛仁貴 名禮以字行絳州龍門人躬耕時將改葬其先妻柳氏曰天子自征遼東求猛將君盍圖功名以自顯富貴還鄉葬未晚也仁貴乃應募至安邑會郎將劉君昂被圍仁貴馳救斬賊繫馬鞍由是知名王師攻安市高麗率衆

拒戰仁貴白衣持戟鍵兩弓呼而馳所向披靡帝遣馳問白衣者誰曰薛仁貴帝召見之喜得彪將授遊擊將軍顯慶三年詔副程名振伐高麗破之於貴端城四年破溫沙多門於橫山及戰石城有善射者多殺官軍仁貴乃單騎突擊賊弓矢俱廢遂生擒之乾封初援泉男生大破高麗進拔扶餘威鎮遼海高麗平進檢校安東都護封平陽郡公移治新城撫孤存老檢制盜賊隨材任職褒崇節義高麗士衆皆欣然忘亡

程名振 洛州平恩人破劉黑闥有功拜營州長史封東平郡王從征高麗拜平壤道行軍總管攻沙卑城破獨山鎮皆以少擊衆永徽六年以營州都督兼東夷都護擊高麗於貴端水焚其新城顯慶三年與仁貴攻拔赤鋒鎮破高麗大將豆方婁龍朔三年與蘇定方復伐高麗敗之

龐同善 乾封初以遼東道行軍總管援泉男生及高麗戰敗之男生率師來會詔拜同善特進遼東大都督封玄菟郡公

龐孝泰 龍朔元年爲沃沮道行軍總管伐高麗二年及高麗戰於蛇水死之

遼

耶律隆先 字團隱義宗耶律倍之四子封平王兼政事令留守東京薄賦歛省刑獄恤鰥寡數薦賢能之士後與統軍耶律舒嚕討高麗有功率葬醫巫閭山之道隱谷有闕苑集行世

蕭孝穆 小字和爾沁聖宗太平九年太延琳叛於東京以孝穆爲都統致討孝穆去城四面五里許築城堡圍之遂擒延琳以功授東京留守治遼陽爲政務寬簡撫納流徙民甚安之弟孝忠志慷慨累遷殿前都檢點北府宰相後

爲東京留守時禁渤海人鑿毬孝忠言東京重鎮無從禽之地若非毬馬何以習武且子天以四海爲家何分彼此宜弛其禁從之

王棠 涿州新城人鄉貢禮部皆第一累遷東京戶部使遼太康二年遼東饑民多死棠請賑恤舍活甚衆

金

高昌福 中都宛平人太宗天會十年登進士第三除同知東京留守事以治最遷山東西路轉運使工部尙書

紇石烈 一作嚇舍哩字桓端一作和勒端西南路猛安人宣宗貞祐二年爲宣差副提控貞祐三年蒲鮮萬奴取咸

平東京澄瀋諸州諸猛安謀克人多從之桓端遣都統溫迪罕怕哥等及自率兵討平之貞祐四年桓端遣王汝弼由海道奏事宜宗嘉其功遷遼軍節度使

元

木華黎 一作穆呼哩蒙古人性沈毅多智略猿臂善射挽弓二石太祖時命統諸軍征遼東次高州盧琮金朴以城

降進攻北京金守將銀青率衆逆戰敗之斬首八萬餘級城中食盡契丹軍斬關來降錦州張鯨聚十餘萬殺節度

使稱臨海郡王至是來降誅之鯨弟致據錦州叛木華黎率衆數萬討平之後廣寧劉瑛義州田和尚降木華黎曰

此叛寇存之無以懲後降工匠優伶外悉屠之拔蘇海復三州斬完顏衆家奴咸平宣撫蒲鮮等率衆十餘萬遁入

海島丁丑八月詔封太師國王都行省承制行事賜誓券黃金印曰子孫傳國世世不絕後薨封魯國王諡忠武

史天祥 燕之永清人太祖伐金暑天祥都鎮撫平與州趙守玉敗金將達魯進克興中府從木華黎平錦州張致又

會契丹漢軍擒闢肅破尖山香爐紅螺塔山大蟲駱駝圍崖諸寨即命天祥統錦州軍拔蓋金蘇復海等州遷鎮國上將軍利州節度使所部降兵都總管

烏貝爾 沙卜珠氏狀貌甚偉腰大十圍太祖五年烏貝爾與卜珠諾延克金東京有功九年從木華黎取北京先驅下之授北京總管都元帥留撫其人綏懷有方自京以南相繼降附趙守玉據興州烏貝爾討平之張致以錦州叛又攻破之太宗元年與和爾齊征下東京廣寧蓋州平州泰州開元府七路征行行兵馬都元帥鎮撫東陲著威望

朶爾直班 字惟中少孤稍長好學爲遼陽行省平章政事至官詢民疾苦知米粟羊豕薪炭諸貨皆藉鄉民販負入城而貴室董奴公府隸卒強買之僅酬其半直又其俗編柳爲斗大小不一豪賈猾僧得高下其手民咸病之即飭有司厲防禁齊稱量諸物畢集而價自平且存恤孤老銓選汰胥吏慎勾稽興廢墜苟有罪雖勳舊不貸王邸百司聞風懷懼詔爲太常禮儀院使

姚樞 字公茂本柳城人後遷洛陽世祖至元二十年爲遼東按察使武平縣民劉謐訟其嫂與所私同殺其兄成縣尹丁欽以成尸無傷憂懣不食妻韓問之欽語其故妻曰恐頂顙有釘塗其跡耳驗之果然獄士上讞樞召欽詢之欽矜妻之能具以告樞曰若妻處子耶曰再醮令有司開其前夫棺毒與成類併正其辜時人比之包孝肅云

唐仁祖 字壽卿輝和人世祖至元二十八年授翰林學士承旨遼陽饑奉旨往賑同事者欲如戶籍口數大小給之仁祖曰昔籍小口今已大矣給以大口之數同事者譏其要名仁祖曰吾知爲國恤民而已卒以大口給之

王伯勝 文安人爲遼陽行省平章政事歲大旱伯勝齋戒以禱即雨人謂之平雨延祐二年召爲大都留守遼民乞留不報泣涕而去卒諡忠敏

賀惟一 字允中後賜姓蒙古氏名太平資性開朗正大雖在弱齡儼然如老成人嘗受業於趙孟頫父師事雲中呂弼至正十六年除遼陽行省左丞相繼粟以給京師處置有法所致甚多而民不擾

王結 易州定興人性敏悟從董朴受經深於性命之學憲使王仁見之曰公輔器也泰定帝元年拜遼陽行省參知政事遼東大水穀價翔踊結請於朝發粟數萬石賑之結平生非聖賢之書不讀非仁義之言不談晚遽於易著易說一卷及卒公卿唁于朝士大夫弔於家曰正人亡矣卒贈資政大夫追封太原郡公諡文忠

多爾濟 一名朶兒只木華黎六世孫脫脫子也生一歲而孤稍長備宿衛事母至孝喜讀書不事章句於古君忠君愛民之道多所究心文宗二年授集賢士時年未冠一時同寅如郭貫趙世延鄧文原諸老皆器重之順帝至元四年除遼陽行省左丞相以安靜爲治民用不擾境內綏寧至正七年拜右丞相九年復爲國王之國遼陽

慶童 字明德受知仁廟出爲遼陽行省平章政事以寬厚爲政遼人德之

明

馬雲 廬州合肥人元末爲泰山義兵萬戶率所部歸附從征陳友諒所至克敵以功授指揮洪武辛亥元遼東行省平章劉益等奉表歸款以雲勇敢有謀授龍虎將軍都指揮使同葉旺領兵渡海進至金州聞劉益遇害謀曰遼東新附反側者尙多若遽以兵臨之幾傷必衆今宜廣布德威致其來服不從征之未晚也乃勞來撫恤賞功貸過遠

近翕然歸者相屬於道時高家奴據老鴉山招之不至雲率精銳自抵其寨擊破之高家奴亡走後詣雲降納克楚犯金州雲爲留守與葉旺合謀破之雲持身廉潔馭衆寬簡雖天性剛峻未嘗有惡言詬怒人咸敬懼莫敢犯戊午陞中軍都督府都督仍鎮守遼東丁卯卒祀名宦祠

葉旺 廬州府六安州人元末起兵淮河衆推爲帥龍鳳間歸附樞密院洪武元年改除都指揮同知移鎮青州辛亥元劉益歸款以旺同馬雲署龍虎將軍都指揮鎮守遼東旺與雲由登萊渡海屯兵金州同志協力屬士卒設方略招降元參政葉挺秀攻走平章高家奴遂至遼東完城郭繕中兵置軍衛建屯田邊具悉舉癸丑納克楚犯遼陽旺與雲領兵進擊大破之追至渾河百餘里納克楚奔開原乙卯納克楚復犯金州旺與雲計設伏於險扼其歸路以雲留守而以兵八千趨蓋平納克楚還至熊岳旺率銳卒衝其中堅自晨及晡斬獲無算納克楚遁去復以兵追擊三百餘里殲其衆殆盡後竄伏沙漠不敢爲邊患卒歸款太祖嘉其勞召還賜賚加厚陞後軍府都督仍鎮遼東旺忠勤善撫下明于用人周鸛關忠王才耿成陳玉皆一時之冠出其麾下俱致顯達卒祀名宦祠

徐便 字崇謹湖廣黃岡人幼嗜學有武略元季兵敗民失依歸衆推爲帥保障鄉里辛巳率衆歸附授千戶後從葉旺敗納克楚於蓋州與千戶劉顯等攻拔禿魯灰山寨遠遇野人格鬪虜奔潰陞蓋州衛指揮僉事（盛京通志載海州衛指揮僉事）調遼海衛開原城數火災令多鑿井防之火不復起城南當雨澇水激湍悍便度工量費藥隄防水人賴以安陞遼東都指揮僉事居官漉政所至有聲年七十七卒於官

夏禮 湖廣沔陽人由海州衛指揮使陞都指揮僉事備禦海州正統壬戌達賊犯境禮簡率精兵同弟震兼程而進

至吳家坎下令曰賊若得利必由清泉舖出當于彼伏兵以候賊可擒矣遂進擊至二鼓列陣畢賊果至伏兵四起大敗賊衆追至飼魚湖斬首數千級獲馬百餘匹賊棄所虜而遁加陞都指揮同知

王翽 直隸鹽山人永樂乙未進士正統七年以右僉都御史提督遼東軍務總兵以下庭謁翽詰其失機之由命左右悉曳出斬之諸將哀請得生於是三軍股慄無不用命逾月乃自巡邊沿山海抵開原高牆垣深溝塹經界屯堡易置烽燧千里相望簡閱行伍更老弱賑貧窮婚配嫠寡軍民大悅又以邊塞孤遠軍餉匱乏緣俗立法其有罪者得即贖人皆便之在邊數年食不兼味衣無重帛且廣儲蓄增士馬邊用饒足器甲鮮利舉用才將如施聚焦禮輩皆自衆中拔起爲夷狄所憚景泰三年召回加太子太保遷吏部尙書英宗復辟罷宮保時有甘心翽者賴上素知得免李賢罷內閣上欲用翽力辭上每用人必詢於翽翽亦以用賢報國爲已任門無私謁苞苴不敢近權勢囑託婉而拒之故人畏而不怨天順甲申加太子太保尙書如故卒八十四諡忠肅今祀名宦祠

馬文升 別號約齋河南鉤州人景泰辛未進士授監察御史正直敢言成化十三年以兵部右侍郎提督遼東軍務悉心運籌上禦邊十五事虜患遂息陞左侍郎戊戌建州女直叛上命文升再往時太監汪直恃寵倖邀功偕行弗聽深銜之日夜譖文升謫戍重慶直敗詔復其官甲辰起爲副都御史巡撫遼東禁緝輿舉知無不爲凡三往遼東皆樹偉績軍民聞其來皆鼓舞稱慶乙巳陞右都御史兵部尙書尋轉吏部尙書進少師兼太子太保立朝五十餘年以身殉國既謝事居林下每聞時事或與祖宗之法少戾輒憂形於色鬱鬱不起臨終惟諄諄以忠孝戒勉其子孫年八十五卒贈太師諡端肅

王嵩 河南汲縣人成化乙未進士以監察御史按遼東舉行朱文公冠婚喪祭禮痛改佛事至今成俗

李承勳 湖廣嘉魚人弘治癸丑進士副都御史巡撫遼東志切撫綏時邊垣圯廢夷虜猖獗題請修築邊牆自遼陽三叉河北直抵開原延亙五百餘里崇墉深壕虜莫敢犯且崇文振武聲績赫然其奏議十數上皆切機要仕至兵部尙書卒祀名宦祠

侯汝諒 山西太原人嘉靖戊戌進士以僉都御史巡撫遼東值遼大水兵疫軍民死者無算汝諒懇疏請賑上命御史王本固以銀三萬兩米三萬石分賑河東西地方又奏開天津海運通山東糴買議被阻而止先是屬夷果力個黑李羅等糾合北虜犯廣寧主將殷尙質以下陣亡後二年汝諒至奏以屬夷悖祖宗馬市約法宜如薊鎮奉密旨擒哈丹兒事例詔從其議遂擒果力個等二十一名于馬市汝諒受上賞將士各陞級有差邊境自是寧謐且請苦持身撫遼二年始終不渝卒祀名宦祠

曾銑 字子重揚州江都人嘉靖己丑進士授長樂知縣擢監察御史按遼乙未春巡撫都御史呂經大興財利算及隨馬田畝北巡回至遼陽軍士擁門憤告遂亂閉城門阻不得行銑聞自金州亟回先擒所倚用官掠治示衆諭以禍福經乃得去至廣寧軍又變撫順軍亦因劫其備禦銑各出檄撫安陰圖方略七月甲子銑召諸生行射禮官僚畢集銑出片紙分配吏卒少時面縛八人至其明日撫順擒七人廣寧是日亦擒十二人不假兵革三城元惡就擒爰傳法律舉劾功罪地方以寧奏聞得旨曾銑設策弭變忠謹可嘉陞大理寺右丞遼人感銑建生祠於遼陽城西關外即以忠謹扁其房詳載嘉忠碑今祀名宦祠

周斯盛 陝西寧州人嘉靖癸丑進士授行人司行人選四川道御史丁巳按遼是夏淫雨連月禾盡淹沒所在城垣傾圯虜乘機九月犯廣寧十二月犯遼陽斯盛督率官民拒守城埧軫恤殺傷區別功罪明年春饑甚亟開倉賑濟取庫贖金並貸得萬餘兩量給積貯家俸出穀平糶貧不能糴者聚斂以粥更疏請發帑賑濟全活甚衆土寇犯廣寧斯盛身先士卒戰六晝夜卒安定之

王懋中 江南安福人進士遷刑部郎中擢山東布政司參政分守遼海東寧道懋中沈毅強學練事動政聽斷懷輯東人安焉累官南京都察院右都御史致仕尋卒於家

許進 河南靈寶人成化進士分巡遼海東寧道威名震懾豪強屏息辨疑折獄人頌神明尋擢右僉都御史巡撫大同改兵部左侍郎轉吏部尚書年七十四卒贈太子太保諡襄毅

許遼 河南固始人正德戊辰進士沈靜有謀略授東陵知縣時流賊猖獗攻城殺人禍連三省遼募死士千人持一木棍迎賊突擊人馬俱斃賊不敢近縣境超陞山東按察司僉事分巡遼海東寧道禮神愛民謙恭下士聽獄詳明人以不冤尋陞江西按察司副使宸濠之變遼以不屈死贈禮部尚書諡忠節

王舜漁 常熟人由進士授工部僉事歷官遼海東寧道明敏公勤敢於任怨獄無留滯人無冤抑興利革弊不遺餘力先時正德間國計告匱遼東軍賦俸銀不得時給射補者行賂網利舜漁廉得之即發其奸遼人頌之尋陞臨清兵備副使卒於家

翟繡裳 山西聞喜人嘉靖進士任兵部主事條陳邊計多見舉行陞遼海東寧道有撫順守備以白貂金皮行賄即